



KRISHI VIGYAN KENDRA, WEST KHASI HILLS

[An institutional project sponsored by ICAR under the Department of Agriculture,
Government of Meghalaya as host organization]

NONGSHILLONG, P.O. NONGSTOIN

MEGHALAYA- 793119



KUMNO BAN DA IA KA KPER JONG PHI NA KI KHNIANG PUIT (Locusts)

Ki khniang puit ki lah ban pynduh bad bam lut khoit ia ki jingthung jong ki nongrep. Namarkata ban iada na ka jingjulor, ki nongrep ki lah ban shim ia kine ki lad ne ki rukom ba lah kdew harum:

- Khnang ban pynduh jait ia ki khniang puit, ki nongrep kidei ban puh bha ia ka kper jong ki, namar da kaba leh kumta, ki pylleng kiba ki puit ki kha, kin ym lah ban roi.
- Ka jingber stang da u atta ne maida, ha ki sla jong ki jingthung, ka iarap ban iada na ki puit. Kane ka long namar ba, haba ki puit ki bam ia u atta ne maida kaba phi lah dep ber, kan pyn dambit iaki doh bniat jong kine ki khniang bad kin ym lah ban bam iaki jingthung.
- Da kaba pyndonkam ia u rynsun lane u sohmarit ba lah khleh bad ka um, ki nongrep ki lah ban synreit ia kane ka jingkhleh ha ki jingthung khamtam ha ki sla, khnang ba ki khniang kin ym lah ban pynduh ia ki jingthung. Ka jingpynkhreh ka long kumne harum:

Khleh 2 tylli ki rynsun bad 10 pela ka um. Pynkhloit ia kane ka jingkhleh ha ding bad pynlip noh shwa ba kan thnam bad ieh ia kane ka jingkhleh shi miet bad pyndonkam ia ka ha ka sngi kaba bud. Pyndap ia kane ka jingkhleh ha u bitor ne sprayer da kaba shim. Shi bynta jong kane ka jingkhleh bad 3 bynta ka um bad sa synreit ha ki sla bad jhur ha ka kper.



- Ha ki jaka ba don ki jinglum jong kine ki khniang, lah ban thang da ki jyntang ne ki sla tyrkhong. Lah ban kem ia ki ha ki jar bad ai ia ki kum ki jingbam na ka bynta ki jingri kum ia ki syiar ne hi han.
- Lah ban thang ruh da ki sla jyrngam khnang ban pynmih tdem. Kane kan iarap ban beh noh ia ki puit na ka kper.
- Ka jingsawa kaba jam ka lah ban pynsheptieng ia kine ki khniang.
- Ka jingpyndonkam ia ka umphniang jong u Neem ka long kawei na ki lad kaba treikam bha ban iada na ki khniang puit.
- **Ka jingpynkhreh:**
 1. Theh 6 shamoit rit ka umphniang neem ha ka sprayer.
 2. Nangta theh 3.8 litre ka um kor.
 3. Nangta pynjaw kumba 7 – 10 drop ka um sabon kaba pyndonkam ha ba sait ba khlieng. Kane ka um sabon ka iarap ban pyndambit ia ka umphniang ha ki jingthung.
 4. Khleh ia kane bad king bha da ka shamoit (ym ka shamoit ba phi pyndonkam ban bam ne dih).

Lada ka sprayer ka lah ban kit palat ia ka 3.8 litres, lah ban pynbun ia kane ka jingkhleh da kaba bat ia ka jingthew – 6 shamoit rit ka umphniang neem + 3.8 litres ka um te Na ka bynta ka sprayer kaba kit 16 litre ka um, yn donkam 25 shamoit rit ka umphniang neem.

Shwa ban synreit, khleh bha bad pump bunsien ia ka jingbat (handle), khnang ba kine ki jingkhleh kin treikam bha. Pyndonkam ia kane ka jingkhleh dangstep ha ka por ba ki puit ki dang don ha madan. Pyndonkam tista ia kane ka jingkhleh haduh ban da duna ne duh jait kine ki khniang.

- Ban kiar ia ki puit bad kiwei kiwei ki khniang, lah ban thung da u **Calendula** lane u Tiewmongor ha ka kper.



Calendula

[Ba la pyllait da Ka Office: Krishi Vigyan Kendra, West Khasi Hills, Meghalaya.]